



Antiteroristička akcija Damask 3 ČAMPARA SASLUŠAVA NESUĐENE PUTNIKE ZA SIRIJU

● Aviokarte kupio Trako ● Nakon saslušanja će biti odlučeno da li će im biti predložen pritvor ili mjere zabrane, kaže Grubešić

Osumnjičena grupa uhapšena u antiterorističkoj akciji Damask 3 jučer je, kako nam je potvrđeno u Tužilaštvu BiH, predata u nadležnost ove institucije, gdje će ih sve državni tužilac Dubravko Čampara saslušati. Prema riječima Borisa Grubešića, portparola Tužilaštva BiH, svi osumnjičeni će biti saslušani a naknadno će biti odlučeno za koliko će njih biti zatražen pritvor ili eventualno mjere zabrane.

Sačekuša

U akciji koju su izveli pripadnici Državne agencije za istrage i zaštitu (SIPA) uhapšeni su Merin Keserović (18) i Nevad Hušidić (26) iz Velike Kladuše, Edin Tabaković (51) iz Sarajeva, Ramiz i Alaudin Ibrahimović, otac i sin iz Maglaja, Husein Erdić (33) iz Bužima i Midhat Trako iz Zenice.

Keserović i Hušidić su uhapšeni u utorak, u večernjim satima na Aerodromu u Sarajevu, gdje su planirali da preko Istanbula odu u Siriju i navodno se priključe terorističkoj organizaciji Islamska država, čije su simbole i obilježja imali na svojim profilima na društvenim mrežama. Oni su, navodno, izjavili da im je karte platio Trako, koji je organima gonjenja poznat od ranije.



Ramiz i Alaudin Ibrahimović prilikom privođenja u prostorije SIPA



Dopune sankcija

Dopune Krivičnog zakona BiH predviđaju sankcije za sve koji se protivzakonito pridružuju stranim paravojnim ili parapolicijskim formacijama. Za one koji budu učestvovali u stranim vojnim, paravojnim ili parapolicijskim organizacijama propisana je kazna do deset godina. Pet godina zatvora mogu dobiti osobe za koje se utvrdi da organiziraju odlazak građana BiH na ratišta u inozemstvo.

Akcija hapšenja je uslijedila nakon što su pripadnici SIPA i Granične policije BiH dobili saznanja o tome da će grupa bh. državljana krenuti u Siriju. Pripremljena je sačekuša, u kojoj se čekao dolazak mladića. Nakon što su stigli na Aerodrom i čekirali karte, uslijedilo je njihovo hapšenje, a potom i privođenje ostalih osumnjičenih, kojima se na teret stavlja da su počinili krivično djelo finansiranje terorističkih aktivnosti, javno podsticanje na terorističke aktivnosti, vrbovanje radi tih aktivnosti, organiziranje terorističke grupe, a sve u vezi sa krivičnim djelom teroriz-

Snimci dženaze Jusufa Barčića

Među mladićima iz BiH koji su dosad poginuli na sirijskom ratištu su Emrah Fojnica, Sejdim Omerdić, Senad Kobaš, Ešref Telalović, Emedin Velić, Derviš Halilović, Bilal Berbić, Senad Kobaš...

Na Facebook profilu uhapšenog Nevada Neve Hušidića, osim fotografija sa simbolima i obilježjima IS-a, jučer se moglo vidjeti da je 15. februara ove godine Hušidić objavio snimak dženaze šejha Jusufa Barčića, koji je prije nekoliko godina poginuo u saobraćajnoj nesreći, a koji je, u vrijeme dok je bio živ, označen kao vođa selefijske zajednice u BiH.

izam, te krivično djelo protivzakonito formiranje i pridruživanje stranim paravojnim ili parapolicijskim formacijama.

Svi se dovode u vezu sa finansiranjem, organiziranjem i vrbovanjem bh. državljana za odlazak u Siriju i Irak, te učestvovanjem u oružanim sukobima u ovim zemljama, odnosno borbi na strani radikalnih terorističkih grupa i organizacija kao što su IDIŠ, ISIL/Islamska država i Džebhatun Nusra.

Ime sa crne liste

Akcija Damask počela je još u septembru prošle godine, kada je zbog terorizma uhapšeno 16 osoba, među kojima i Husein Bilal Bosnić, kojem se trenutno suđi u Sudu BiH zbog ovog krivičnog djela. Osim Bosnića, kojeg je tužilac Čampara označio kao vođu selefijske zajednice u BiH i nasljednika Nusreta Imamovića, čovjeka sa

crne liste State Departmenta, tada su, između ostalih, uhapšeni Eduard Durguti, Latif Talić, Muhamed Džerahović... Samo dva mjeseca poslije je uslijedila nova akcija, Damask 2, u kojoj je uhapšeno 11 osoba. Svi osim Bosnića, koji je i dalje u pritvoru, nalaze se na slobodi i pod mjerama su zabrane, a kako ističu u Tužilaštvu BiH, istraga protiv ovih osoba je i dalje u toku.

Za razliku od prve dvije izvedene akcije, istog kodnog naziva, kada su pripadnici SIPA pronašli bombe, puškomitraljeze, poluautomatske, vazdušne i druge vrste pušaka, u SIPA nam je rečeno da su istražitelji ovog puta pronašli i oduzeli kompjutere, telefone, bilješke, CD-ove i druge materijale, koji "predstavljaju dokaze protiv osumnjičenih". U SIPA ističu da tokom pretresa u akciji Damask 3 nije nađeno naoružanje.

A. BRKIĆ - ČEKIĆ



SIPA formira novi odjel?

U sjedištu SIPA jučer je održana sjednica užeg Kolegija ove agencije, kojoj su osim direktora Gorana Zupca, prisustvovali zamjenik direktora Đuro Knežević, pomoćnik direktora za Kriminalističko-istražni odjel Anđelko Hrgić, načelnik Sektora za planiranje, analitiku, saradnju i informiranje Emad Musić, v.d. komandanta Jedinice za specijalnu podršku Jovica Mirosavljević i načelnik Sektora za operativnu podršku Zoran Glušac. Učesnici su se osvrnuli na posljednju akciju, a u narednom periodu je planirano formiranje posebnog odjela za borbu protiv terorizma.